

Diweddariad ar Ailddechrau Rhaglen Diwygio Gwasanaethau Deintyddol Cyffredinol Cymru Mawrth 2022

01 Ebrill 2022 – Ailddechrau Rhaglen Diwygio Gwasanaethau Deintyddol Cyffredinol Cymru

Bydd Rhaglen Diwygio Gwasanaethau Deintyddol Cyffredinol (GDC) Cymru yn ailddechrau'n swyddogol ar 01 Ebrill 2022, gyda phractisau yn cael cynnig cyfle i gofrestru ar gyfer y cytundeb amrywio contract ar gyfer 2022/23.

Cyhoeddwyd llythyr gan y Cyfarwyddwr Gofal Sylfaenol ac Iechyd Meddwl a'r Dirprwy Brif Swyddog Deintyddol ar 03 Mawrth 2022, a oedd yn amlinellu'r trefniadau terfynol ar gyfer y flwyddyn i ddod.

Mae'r cytundeb amrywio gyda'r byrddau iechyd ar hyn o bryd, a fydd yn trafod trefniadau contract penodol gyda phob practis sy'n dymuno cofrestru ar gyfer yr amrywiad ar gyfer 2022/23.



CBBC8970.pdf



AE999E62.pdf

Dechreuodd Prif Swyddog Deintyddol newydd Cymru, Mr Andrew Dickenson, ar ei swydd ar 1 Ebrill 2022.

Digwyddiad Ymgysylltu Rhithwir Mawrth 2022

Yn dilyn rhannu llythyr Llywodraeth Cymru ar 03 Mawrth 2022, cynhaliwyd digwyddiad ymgysylltu rhaglen diwygio'r Gwasanaethau Deintyddol Cyffredinol ar 09 Mawrth 2022 i roi cyfle i dimau deintyddol ddysgu mwy am y gofynion a'r opsiynau ar gyfer 2022/23 a holi eu cwestiynau ar sail gwybodaeth a ddarparwyd gan Llywodraeth Cymru. Trefnwyd y digwyddiad ymgysylltu hefyd i ddarparu trosolwg o ymrwymiad polisi Llywodraeth Cymru i ddiwygio'r Gwasanaethau Deintyddol Cyffredinol yng Nghymru, egluro strwythurau rhaglenni a grëwyd yn ddiweddar, deall yr heriau a'r cyfleoedd presennol o ran y gweithlu a darparu llwyfan i ddarparu adborth ac annog trafodaeth.

Cofrestrodd 500 a mwy o bobl a chafwyd presenoldeb da ar y diwrnod, llawer mwy na'r disgwyl. Ymddiheurwn os cawsoch anhawster wrth ymuno â'r digwyddiad a hefyd am y diffyg amser i godi pob cwestiwn gydag aelodau'r panel.

Fe wnaeth yr holl gwestiynau a gyflwynwyd yn y digwyddiad gyfrannu at y dogfennau *Mythau*, *Ffeithiau* a *Chwestiynau Cyffredin* yn dilyn y digwyddiad, sydd wedi'u rhannu gyda phob tîm deintyddol. Mae adroddiad o'r digwyddiad wedi'i rannu hefyd, sy'n cynnwys gwybodaeth am yr adborth a dderbyniwyd. Mae dolenni i'r recordiadau o'r digwyddiad ac adnoddau eraill ar gael ar Gofal Sylfaenol Un drwy

<https://gofalsylfaenolun.gig.cymru/pynciau1/iechyd-deintyddol-cyhoeddus/>

Deallwn fod digwyddiadau ymgysylltu eraill wedi'u cynnal yn y Byrddau Iechyd, rhai ohonynt wedi'u hwyluso gan y Pwyllgorau Deintyddol Lleol. Bydd digwyddiadau ymgysylltu lleol parhaus yn hollbwsig er mwyn datblygu cysylltiadau a rhwydweithiau lleol da.

Bwrdd y Rhaglen Diwygio Gwasanaethau Deintyddol Cyffredinol – Grŵp Trosolwg Deintyddol

Strategol (SOG)

Yn ystod y misoedd diwethaf, mae Llywodraeth Cymru, Iechyd Cyhoeddus Cymru, AaGIC, Awdurdod Gwasanaethau Busnes y GIG, Cymdeithas Ddeintyddol Prydain, Cyngorau Iechyd Cymuned, Byrddau Iechyd ac eraill wedi bod yn cyfrannu at drafodaethau a gwaith ar ddatblygu strwythurau'r rhaglen i gefnogi'r broses o ailddechrau Rhaglen Diwygio GDC o 1 Ebrill ymlaen.

Y Grŵp Trosolwg Deintyddol Strategol sy'n bennaf cyfrifol am y rhaglen a chyd-gadeirydd y grŵp yw Alex Slade, a benodwyd yn ddiweddar i swydd Cyfarwyddwr Cymunedau, Gofal Sylfaenol, Iechyd Meddwl a Grwpiau Agored i Niwed yn Llywodraeth Cymru a Julie Denley, Cyfarwyddwr Gweithredol Gofal Sylfaenol, Cymunedol ac Iechyd Meddwl yn BIPCTM. Mae'r grŵp hwn yn darparu swyddogaeth llywodraethu a chyfeiriad i raglen diwygio'r GDC a gwaith deintyddol yn gyffredinol ar hyd a lled Cymru. Mae'r tair ffrwd waith wedi dechrau eu gwaith yn cynghori a chefnogi'r rhaglen. Mae'r ffrydiau gwaith yn canolbwyntio ar Gyllid (wedi'i gadeirio gan Warren Tolley, DCDO), Egwyddorion Gofal, Ansawdd, Angen a Mynediad (wedi'i gadeirio gan Paul Brocklehurst, Ymgynghorydd Iechyd Deintyddol Cyhoeddus, Iechyd Cyhoeddus Cymru) ac Ymgysylltu â Rhanddeiliaid (wedi'i gadeirio gan Anup Karki, Ymgynghorydd Iechyd Deintyddol Cyhoeddus, Iechyd Cyhoeddus Cymru). Mae gwaith cynllunio ar y gweithlu, hyfforddiant ac ati yn parhau yn AaGIC. Yn ogystal â'r ffrydiau gwaith, bydd angen cyngor, cefnogaeth a mewnbwn gan y grwpiau a'r pwyllgorau presennol ar y rhaglen ddiwygio, e.e. Pwyllgor Deintyddol Cymru, Grŵp Arweinwyr Clinigol Deintyddol Cymru Gyfan, Grwpiau yn y Byrddau Iechyd, AaGIC ac yn y blaen.

Egwyddorion Gofal – Pydredd Dannedd a Chlefyd Periodontol

Mae'r Egwyddorion Gofal ar gyfer clefydau periodontol a phydredd dannedd (y cyfeiriwyd atynt yn flaenorol fel llwybrau) yn dal i gael eu profi.

I'ch atgoffa, datblygwyd y rhain yn wreiddiol gan dimau deintyddol lleol gan ddefnyddio dull dylunio ar y cyd. Yna buont yn destun proses ymgynghori ffurfiol er mwyn canfod safbwyntiau'r proffesiwn yn gyffredinol. Ers hynny rydym wedi casglu a dadansoddi'r adborth ac wedi mireinio'r cynnwys a'r cynllun ymhellach. Mae hyn wedi'i oruchwylio gan ffrwd waith 2, sy'n adrodd i'r Grŵp Trosolwg Strategol, fel rhan o'r broes o ddiwygio'r contract.

Mewn cydweithrediad ag AaGIC, mae'r Egwyddorion Gofal wedi'u hanfon at dimau practisau deintyddol ar hyd a lled Cymru sydd wedi mynegi diddordeb mewn bod yn fabwysiadwyr cynnar. Mae AaGIC yn darparu gweithdai er mwyn i gyfranogwyr gael y cyfle i rannu eu safbwyntiau ar yr Egwyddorion Gofal ac ystyried sut y gallai'r rhain gyd-fynd â phrosesau ymarferol eu practisau eu hunain. Yn ogystal, rydym wrthi'n ehangu dyfnder ac ystod y rhanddeiliaid sy'n gysylltiedig â hyn. Rydym hefyd yn datblygu fframwaith gwerthuso. Ein nod yw cwblhau hyn er mwyn ei ddosbarthu i'r proffesiwn yn ystod Hydref 2022. Os oes gennych ddiddordeb mewn cymryd rhan cysylltwch â Kate – kate.eyre@wales.nhs.uk

Ailddechrau Rhaglen Diwygio Gwasanaethau Deintyddol Cyffredinol Cymru Mawrth 2022

Pa gymorth sydd ar gael i hyfforddi a datblygu'r gweithlu deintyddol?

Mae AaGIC yn parhau i gynnig addysg a hyfforddiant i ddatblygu, siapio a chefnogi'r gweithlu deintyddol. Ein nod yw bod yn ystwyth ac ymatebol wrth gynnal rhaglenni a digwyddiadau sy'n berthnasol i'r tîm deintyddol ar hyd a lled Cymru. Cysylltwch â ni os oes gennych unrhyw awgrymiadau ar gyfer cynnwys yr hoffech i ni eu cynnwys yn ein hamserlen o gysiau. kathryn.marshall4@wales.nhs.uk

Ymhlith yr uchafbwyntiau ar ddechrau 2022 mae:

Dau weithdy ar-lein i esbonio'r Egwddorion Gofal (pydredd dannedd) a'u trafod ymhellach. Cynhelir y rhain ar 19 Ebrill a 21 Ebrill. I drefnu lle, cysylltwch â Stephanie.Richards7@wales.nhs.uk

Cynhelir Cynhadledd Flynyddol Tîm Deintyddol AaGIC eleni wyneb yn wyneb ar 14^{eg} Hydref yng Ngwesty'r Marriott yng Nghaerdydd. Gwahoddir pob aelod o'r tîm deintyddol i'w mynychu. Thema'r gynhadledd eleni yw 'Dewis; sut y gallwch ddewis gweithredu fel gweithiwr deintyddol proffesiynol, sut rydych chi'n ystyried dewis o safbwynt y claf ac o safbwynt datblygu'r gweithlu a datblygu gyrfa'. Bydd yn bosibl archebu lle drwy Maxcourse yn ystod yr wythnosau nesaf.

Cynhelir Clwb Astudio nesaf Nyrsys Deintyddol Cymru Gyfan ar 19 Ebrill. Croesewir pob Nyrs Ddeintyddol. Y pwnc dan sylw fydd cymysgedd sgiliau a chyfleoedd ar ôl cofrestru i nyrsys deintyddol.

Cynhelir y cwrs MPWiP nesaf ar gyfer 2022 yn rhithwir yn ystod yr hwyr ar 4 Mai, 14 Gorffennaf ac 16 Tachwedd – mae lleoedd ar gael ar hyn o bryd.

Mae cwrs newydd ar ôl cofrestru yn cael ei ddatblygu yn awr ar gyfer Nyrsys Deintyddol ar Addysg Iechyd Geneuol. Bydd hwn yn gynnig 'Cymru gyfan' gyda chyfle i ymgymryd â'r rhaglen gyfan a cheisio sicrhau tystysgrif ar Addysg Iechyd Geneuol; neu fel arall gellir cael mynediad at fodiwlau a phynciau a fydd yn galluogi dysgwyr i ganolbwyntio eu gwybodaeth a'u sgiliau mewn maes penodol a galluogi dull hyblyg er mwyn sicrhau cydbwysedd priodol rhwng bywyd a gwaith.

O ran amcan 6 diwygio contract Gwasanaethau Deintyddol Cyffredinol, rydym yn parhau i gynnig help i dimau fabwysiadu dull Gwella Ansawdd Parhaus yn eu practisau. Mae gennym rwydwaith o Addysgwyr Gwella Ansawdd Deintyddol sy'n gallu hwyluso'r canlynol ar gyfer timau practisau deintyddol:

- Gwneud Penderfyniadau ar y Cyd, MMD, SOSET, Cynlluniau Datblygu Personol. Gweithdai i gefnogi pob Prosiect gwella Ansawdd, gan gynnwys y Cynllun Gwên, Adolygiad gan Gymheiriaid a phrosiectau Gwella Ansawdd sylweddol drwy ein Clybiau Astudio Gwella Ansawdd. Mae cyllid ar gael ar gyfer prosiectau Gwella Ansawdd.

I gael rhagor o wybodaeth ac i wneud cais am hyfforddiant neu ymweliad â phractis ar gyfer unrhyw agwedd ar Wella Ansawdd, cysylltwch â

HEIW.DentalQI@wales.nhs.uk

Adnoddau ar gyfer Practisau

Mae gweithgor bach wedi creu rhai posteri ar gyfer practisau y gellir eu harddangos yn eich ystafelloedd aros. Mae manylion ynghylch sut y gellir lawrlwytho'r rhain i arddangosiadau digidol i ddilyn ond, yn y cyfamser, gellir argraffu'r rhain. Ewch i Gofal Sylfaenol Un yn <https://gofalsylfaenolun.gig.cymru/pynciau1/iechyd-deintyddol-cyhoeddus/> ac edrych ar 'Adnoddau i Bractisau'.



Behaviour
Standards



Recall - English



Recall - Welsh

Gwybodaeth Gyhoeddus

Mae gwaith yn mynd rhagddo i ddatblygu gwybodaeth gyhoeddus ar gyfer deintyddiaeth. Mae'r gwaith hwn yn cael ei gynnal gan gangen Polisi Deintyddol Llywodraeth Cymru gyda chefnogaeth ei Thîm Cyfathrebu.

Asesiadau Brys o Risgiau ac Anghenion Clinigol y Geg (ACORN)

Darparwyd y wybodaeth gan Awdurdod Gwasanaethau Busnes y GIG ar ddechrau 2022 ynglŷn â chwblhau Asesiadau Brys o Risgiau ac Anghenion Clinigol y Geg. Y neges a rannwyd oedd nad oes angen cwblhau data ACORN mwyach ar gyfer 'cleifion brys'. Fodd bynnag mae'n RHAIID i chi barhau i gwblhau asesiadau ACORN ar gyfer ymweliadau arferol cleifion – *gwnnewch hynny'n dda, unwaith y flwyddyn*.

Ailddechrau Rhaglen Diwygio Gwasanaethau Deintyddol Cyffredinol Cymru Mawrth 2022

Diweddariad Awdurdod Gwasanaethau Busnes y GIG

Mae gwaith yn mynd rhagddo i:

- wella ffurflen Cofnod Practisau Cymru (PRW)
- treialu a datblygu ein holiaduron digidol i gleifion
- diweddaru'r set ddata glinigol yn Compass a chyflwyno mesurau dilysu newydd er mwyn galluogi adrodd cywir.

Rydym yn parhau i fabwysiadu dull iechyd y boblogaeth a mynd i'r afael ag anghydraddoldebau iechyd drwy gofnodi data ethnigrwydd a byddwn yn cefnogi'r broses o gasglu rhifau'r GIG yn y dyfodol.

I gael rhagor o wybodaeth a chyfle i dderbyn y wybodaeth ddiweddaraf am newidiadau i ddarparwyr a pherfformwyr Awdurdod Gwasanaethau Busnes y GIG, cyfeiriwch at ein Bwletin Deintyddol: <https://www.nhsbsa.nhs.uk/compass/bulletins/bulletins-providers-and-performers>

Cysylltwch â Dental Insight yn dentalinsight@nhsbsa.nhs.uk gydag unrhyw ymholiadau ynglŷn ag eDEN. Cysylltwch hefyd gydag unrhyw adborth neu awgrymiadau sydd gennych – croesewir pob un wrth i ni geisio gwella ein gwasanaeth!

Yn ystod yr ychydig fisoedd nesaf bydd ymddangosiad a naws eDEN yn parhau i newid. Os oes gennych unrhyw ymholiadau gan gynnwys ymholiadau am gofrestru, ailosod cyfrinair a hyfforddiant, anfonwch e-bost i eDENsupport@nhsbsa.nhs.uk

Cymryd rhan

Rydym yn croesawu adborth a chwestiynau. Efallai nad oes gennym yr holl atebion eto – mae hynny'n sicr yn wir os ydynt yn ymwneud â gwaith sydd eto i'w gwblhau **OND** rydym yn casglu'r cwestiynau ac yn eu defnyddio i lywio ein rhaglen a'n dulliau cyfathrebu (e.e. Dogfennau cwestiynau cyffredin, gweminarau, digwyddiadau ymgysylltu). Felly gofynnwn i chi barhau i holi cwestiynau a rhoi eich adborth i ni – gallwch anfon y rhain at Kate kate.eyre@wales.nhs.uk.

Yn olaf, hoffwn eich atgoffa na fyddwn yn anfon copïau papur o'r cynlluniau atal mwyach. Mae cyfuniad o staff yn gweithio o bell heb fynediad at y cyflenwad blaenorol, yn ogystal â glynu at ein ffordd wyrddach newydd o weithio yn golygu ein bod wedi datblygu fersiwn electronig y gallwch ei rhannu gyda'ch cleifion drwy e-bost.

Edrychwch ar <https://gofalsylfaenolun.gig.cymru/files/disgwyliadau-a-acorn/cynllun-atal-deintyddol-e-version-1-0-pdf/> neu <https://primarycareone.nhs.wales/files/acorn-and-expectations/dental-prevention-plan-e-version1-0-pdf/>

Ar gyfer y cleifion hynny sy'n gwneud cais penodol am gopi papur, gallwch argraffu rhai yn lleol wrth gwrs. Mae'r rhain ar gael yn Gofal Sylfaenol Un: <https://gofalsylfaenolun.gig.cymru/files/disgwyliadau-a-acorn/cynllun-atal-eich-iechyd-deintyddol-1-0-pdf/> a <https://primarycareone.nhs.wales/files/acorn-and-expectations/prevention-plan-dental-health1-0-pdf/>